



**Warhafftige Beschreibung, Was sich zugetragen hat, vō[n]
Kriegen, Vnglu?ck, Wunderzeichen, zwischen der zeit, da der
Comet, Anno 1577. erschienen, Vnd wie viel Cometen
gestanden haben, Von der allgemeiner Su?ndfluth an, biß auff
die jetzt zween brennenden Cometen, Anno M. D. LXXX.**

<https://hdl.handle.net/1874/433376>

Warhafftige Beschrei-
bung/ Was sich zugetragen hat/ vö Krie-
gen/ Vnglück/ Wunderzeichen/ zwischen der zeit/ da
der Comet / Anno 1777. erschienen / Vnd wie viel Cometen gestanden
haben/ Von der allgemeiner Sündfluth an / bis auff die
jest zween brennenden Cometen/ Anno
M. D. LXXX.



Diese groz
 Cometen
 zeige vns
 an/ In
 diesem

Jar/ groß
 noch/ erüb
 sal/ vnd
 Manche
 gefahr.

Gedruckt Anno 1581.

Acht auff jr lieben Christē/
es ist gewißlich an der zeit/der Herr
thut sich warlich rüsten / die Art
schon ahn dem Baswme leide / Die
Rüth ist bereit gebunden/die straffe
suchet vns zu Haus / Es naht sich
zeit vnd stunde / Ach Gott was wirdt noch werden
drauß.

Zween Fürbot thut vns Gott schicken/die newe
Stern vñ Comete/thun vns gar grewlich anblickē/
Es seind sehr böse Propheten/viel ungelück an allen
endē / bedeut jr trawriger schein/der liebe Gott wöll
es wenden/vns armen Sünder gnedig sein.

Wir habens leider wol erfahren/was der nechste
Comet bedeut/so man vergangen drey jaren/hat ge
sehen nah vnd weit/mit seinen feurigen stralen/gab
er ein hellen schein/bald erhub sich mit schallen/groß
Angst Träbsal vnd Pein.

Darumb will ich euch sagen/etlich geschicht mit
leidt/die sich haben zugetragen/sint derselbigen zeit/
Danckig vñnd der Pohl eben/hatten groß Krieg zu
handt/auffs newe hat sich erhaben/groß Krieg im
Niderlandt.

Der König auß Portugal mechtig/mit vier vñ
vierzig

vierzig tausent Mann/zogen in Barbarey prechtig/
wenig seind komen darvon/die Moren gewoñen ha-
ben/drey König blieben den Tag/ auch viel Herren
Fürsten vñ Graffen/sind vmbkomen in der schlacht.

Der König in Persia reiche/streit gegen den Tür-
cken mit macht/achzig Tausende Mann zugleich/
sind blieben in 3. schlacht/Den vnd Pest lied schade/
durch groß Erdbeben vnd Feter/der Türck martert
ohn gnaden/viel Christen from mit vngewer.

Im Neun vnd sibenzigsten thut scharwen / sieng
an Auffrhur vnd Krieg/ zwischen Mosckaw vnd
Littawen/ Polnisch König gewaß den Sieg / starck
thet man ins Niderland kommen/aber sehr wenig
außgericht/Des Königs Volck hat ein genömen/
vnd geplündert die Statt Mastricht.

Inn Norwegen Regnets Neuse/des erschra-
cken Frau vnd Mann/im Feld vnd vff den Heusern/
habens grossen schaden gethan/in kurzer zeit sind
sie gestorben/ir gestalt wie Maulwürff sein/was sie
abbissen ist verdorben / das last ein Straff Gottes
sein.

Auch hat es Schwefel thun regnen/ zu Stendel
in der alten Marck/Gott schickt Wunder aller we-
gen/vnd lest sehen sein wunderwerck/ Drey Sonn
vnd

vnd Regenbogen/bey Nürnberg man sehen thut/
an etlichen orth vnerlogen/hats geregnet Fehr vnd
Blut.

Das Achzigste Jar mit schmerzen/ fing sich an
ohn alle frewd/mancher war betrübt von Herben/
von wegen der thewren zeit/Ahn vielen orthen rego
nets Korn/in der Mark Brandenburg gleich/ ein
Wolckenbruch geschach thut Hören/ zu Krembs in
Osterreich.

Zu Venedig regnets Steine/thet schadē den Ins
fulen vmbher/ die Fischer in den Schiffen kleine/ers
schlugs viel in dem Meer/ In Deudschland thue
ich melden/hat man viel wonders erhört/es regnet
Stein auff dem Eissfelde/Gott suchē vns heim an
allen orth.

Ein dorff Schönebeck bey Stendel/eins Schäf
fers Tochter Propheet/die redt von selkam Hen
del/die noch sollen geschehen mit leidt/Krieg Sterben
in kurzenzeiten/ermanet das Volck zur Buß/denn
Hoffart ist groß bey allen Leuten/drumb Gott die
Welt straffen muß.

Die new Krankheit thut ereügen/ober alle land
vnd Stedt/Wundergeburt in vilen wegen/Mann
kans so selkam sagen nicht/viel Grewlich Himmel
Zeichen/

Zeichen/lest Gott sehen Tag vnd Nacht/er wolt die
Störrhals gern erweichen/ aber Wenig sind ihr
die es bedrachten.

Groß Wunder thue ich sagen/ sach man im
Manssfeldisch Landt/ Kriegsrüstung Ross Mann
vnd Wagen/gretolich an dem Himmel standt/ein scho-
ne Stadt mit Thürm vñ Mawren/schwebet in der
Lufft hinuff/gar bald ist es mit trawren/verschwin-
den all zuhauff.

Um Zehnden October merck eben/ Im achzigsten
Jar/Blut vnd Fetor vom Himmel fallen/ durch die
Lufft furwar/ in viel gestalt vñnd maniere/Gottes
zorn ist ober ons erbrant/ Wo wir nicht werden
nach lassen/wird es Engelten/Mann Weib vñnd
Kind.

Zwen new Cometen hat man gesehen/in diesem
Jar merck mich sein/was ons darnach wird gesche-
hen/das weis keiner denn Gott allein / die zeit ober
seind sie gestanden/gar finster betrübt mit leidt/ ich
fürcht groß noht ist vorhanden/Gott tröst die arm
Christenheit.

Gott köndts wenden zum frommen / wenn wir
liessen von Sünd/vom vffgang thut der ein komen/
vnd ghet nach Nidergang geschwind/die Strahlen
lieben

1873673
stum im glauben vmb gnade bitten/ vnd rechtschaffene fruchte der Buß
thun sollen. Es sind auch solche zeichen zugleich mit vorläuffer des Jüng-
sten tags/ an welchem der Herr Jesus Christus kommen/ vnd einem jeden
vergeben wirdt nach seinen wercken.

Zudem/ so wirdt es so vbel auff der Welt stehn/ vnd so viel ergerniß
sich erheben/ so viel angst vnd jammer herein brechen/ das einem möchte
graunen zu leben.

Ein Volck wird sich wider das ander erheben/ ein Königreich wi-
der das ander. Es wird keiner vor dem andern sicher sein: Es werden sein
Pestilenz vnd theuwere zeit/ die vngerechtigkeith wird vberhandt nemen/
vnd die liebe erkaltent/.

Vnd sind andere Zeichen mehr/ die zuersehen geben/ das der
Jüngste Tag nicht fern ist/ oder ja sonst grosse verenderung vnd verwir-
rung erfolgen werden/ Dann solches Barren aller Welt/ wie jetzt: Item
das köstliche Kleiden vnd die grossen Lappen an den Hembdern/ das es
nicht höher kommen kan/ Ich geschweig der groben Sünden/ der Un-
keuscheit/ vnrew/ Geiz/ &c. Da ist kein forcht noch scham mehr/ die Leuch-
tuhmen irer Sünde/ wie die zu Sodom. Es ist kein liebe mehr bey Ge-
schwister vnd Gebrüder/ der Reiche Brüder vnd Schwester wider die ar-
me/ vnd der arme wirdt allenthalben veracht/ kein fürcht Gottes vorhan-
den/ sondern Gott lestern/ liegen/ morden/ stelen hat vber handt genom-
men/ vnd kumpt ein Blus schuldt nach der andern.

Darumb sage ich/ muß der Jüngste tag für der Thür sein/ oder ja
sonst eine greuolliche zerrütung vnd grosse veränderung erfolgen. Der-
halb laßt vns Gott fleißig anruffen vnd bitten.

D H E R R Allmechtiger GOTT/ beschirme dein Arme Christen-
heit/ vnd schütze deinen grimm auff die Heyden/ die dich nicht kennen/
vnd auff die/ die deinen Namen nicht anruffen. Bedencke nicht vnser
vorigen Mißthat/ Erbarm dich vnser baldt/ Dann wir sind fast dünne
worden. Hülf du vns GOTT vnser Helffer/ vmb deines Namens ehre
willen/ Errette vns vnd vergib vns vnser Sünden/ vmb
deines Namens willen/ &c. Psalmus

79. Amen.

Getruckt zu Töllen/ Durch Nicolaum Schreiber.